

Headline	Ketum berkesan rawat pelbagai penyakit-Penyelidik		
MediaTitle	Kosmo		
Date	19 Oct 2018	Color	Full Color
Section	Negara	Circulation	155,996
Page No	19	Readership	467,988
Language	Malay	ArticleSize	271 cm ²
Journalist	OlehAZHAR AHMAD	AdValue	RM 7,033
Frequency	Daily	PR Value	RM 21,099



Ketum berkesan rawat pelbagai penyakit-Penyelidik

Oleh AZHAR AHMAD

KUALA LUMPUR - Khasiat ekstrak daripada pokok ketum atau nama saintifiknya *mitragyna speciosa* mampu menjadi alternatif bagi merawat pelbagai penyakit termasuklah kencing manis serta meningkatkan tenaga.

Pegawai Penyelidik Program Sitokimia Bahagian Hasil Semula jadi Institut Penyelidikan Perhutanan Malaysia, Abd. Rashid Li berkata, khasiat ketum sebenarnya adalah lebih baik dalam bidang perubahan bertitik tolak daripada beberapa hasil kajian yang dilakukan sejak dua tahun lalu.

"Saya telah melakukan penyelidikan terhadap dua jenis variasi daun ketum iaitu urat merah dan daun ketum urat hijau.



RUSDI



ABD. RASHID



KERATAN *Kosmo!* 17 Oktober 2018.

"Hasil penemuan tersebut, kita dapati tiada kesan sampingan yang buruk daripada ekstrak air ketum tersebut sebaliknya ia berguna dalam mengubati pelbagai penyakit," katanya ketika dihubungi *Kosmo!* di sini semalam.

Sebagai contoh, katanya, ekstrak daun ketum mampu menggantikan fungsi panadol yang lazimnya digunakan untuk mengubati demam dan sakit kepala termasuk urat sendi.

"Ia akan menjadi lebih

berkesan sekiranya penyelidikan mendalam dilakukan oleh pihak berwajib dengan sokongan kerajaan.

"Hal ini kerana negara seperti Jerman dan Amerika Syarikat telah mengambil satu langkah ke hadapan dengan penggunaan ketum sebagai perubatan.

"Saya harap kerjasama antara kerajaan serta agensi-agensinya berkaitan dapat diteruskan supaya negara kita tidak ketinggalan dalam memanfaatkan herba yang ada di

Headline	Ketum berkesan rawat pelbagai penyakit-Penyelidik		
MediaTitle	Kosmo		
Date	19 Oct 2018	Color	Full Color
Section	Negara	Circulation	155,996
Page No	19	Readership	467,988
Language	Malay	ArticleSize	271 cm ²
Journalist	OlehAZHAR AHMAD	AdValue	RM 7,033
Frequency	Daily	PR Value	RM 21,099

sekeliling kita," jelasnya.

Sementara itu, Pengarah Pusat Pengajian Sains Ketagihan, Universiti Malaya, Dr. Rusdi Abd. Rashid berkata, tanggapan yang salah terhadap kebaikan khasiat tumbuhan herba seperti pokok ketum menyebabkan Malaysia masih ketinggalan dalam penggunaannya dalam perubatan.

"Saya yakin sekiranya kajian secara saintifik dapat dilakukan untuk menghasilkan ubat-ubatan termasuklah methadone serta penyakit kronik yang lain.

"Kita memohon kerajaan untuk membuka lebih peluang dan memberikan sokongan dalam kajian untuk tujuan perubatan dan aspek lain yang boleh memberikan manfaat kepada masyarakat serta negara," jelasnya.



CONTOH pokok ketum yang terdapat di utara Semenanjung Malaysia.